



Pou Piblikasyon Imedya: 04/02/2022

GOUVÈNÈ KATHY HOCHUL

**GOUVÈNÈ HOCHUL DEPLWAYE RESOUS SIPLEMANTÈ NAN KONTE ULSTER
PISKE TANPÈT IVÈNAL LA KONTINYE AFEKTE ZÒN NAN MID-HUDSON YO
AVÈK GWO GLAS AK NÈJ**

Yo te deplwaye 24 manm Gad Nasyonal pou sipòte rekiperasyon Konte Ulster ak operasyon sant tanporè 24/7 yo

Resous pou repons ijans Eta a yo ki deplwaye nan zòn ki afekte yo gen ladan ekip pou ede koupe ak retire pyebwa ki tonbe yo

Kabann, dra, manje ak dlo estòk yo nan Eta a ak Lakwa Wouj founi pou ede operasyon sant tanporè yo

Gouvènè Hochul te anonse jodi a resous siplemantè pou sipòte Konte Ulster piske yon tanpèt ivè grav kontinye afekte reyon Mid-Hudson avèk gwo glas ak nèj. Anba direksyon Gouvènè Hochul, yo te deplwaye 24 manm Gad Nasyonal la jodi a pou sipòte Konte Ulster nan rekiperasyon li ak operasyon sant tanporè 24/7 la yo. Eta New York te deplwaye tou ekip pou koupe pyebwa nan zòn ki afekte yo epi ap travay avèk Lakwa Wouj pou bay kabann, dra, manje ak dlo pou ede abri tanporè yo nan Konte Ulster. Depi yè, reyon Mid-Hudson lan te resevwa jiska mwatye pouz glas ak nèj ki fonn, ki bloke wout yo ak lakòz plizyè dizèn milye pànn kouran.

"Konte Ulster te resevwa pi gwo enpak grav tanpèt ivènal sa sou fòm gwo glas ak akimilasyon nèj ki paralize wout yo ak koupe kouran plizyè milye rezidan nan reyon Mid-Hudson", **Gouvènè Hochul te deklare**. "Anba direksyon mwen, Gad Nasyonal la te deplwaye 24 manm pou ede Konte Ulster nan rekiperasyon ak operasyon netwayaj li yo, ansanm ak ede sant tanporè **24/7** yo ke konte a mete anplas. Anplis de sa, Eta a pral deplwaye resous siplemantè pou ede operasyon rekiperasyon yo osi lontan sa nesesè".

Komisè Divizyon Sekirite Teritwa ak Sèvis pou Ijans Eta New York la (Division of Homeland Security and Emergency Services), Jackie Bray, te deklare, "Nou pral kontinye kowòdone repons Eta a sou plas nan Konte Ulster ak atravè reyon an pou ede kominote yo reponn pandan evènman aktyèl la. Plizyè sant tanporè te ouvri epi mwen ankouraje rezidan yo nan Ulster ki te pèdi kouran epi ki san chofaj pou yo chèche abri ak chalè. Nou isit la pou nou ede konpatriyòt Nouyòkè nou yo epi nou pral ede Konte Ulster jiskaske kouran an retabli epi rezidan yo genyen sa yo bezwen".

Konte Ulster te mete anplas jiska kat sant tanporè 24/7 nan lokal sa yo jiska nouvèl avi:

- Andy Murphy Center, 467 Broadway, Kingston, NY 12401
- 2nda Iglesia La Mision Church, 80 Elmendorf St, Kingston NY 12401
- SUNY New Paltz, Elting Gymnasium, 1 Hawk Drive, New Paltz, NY 12561
- Frank D. Greco Memorial Senior Citizen Recreation Center, 207 Market St, Saugerties, NY 12477

Sipò Eta New York anvè Konte Ulster apre gwo tanpèt ivènal la gen ladan 24 manm Gad Nasional pou ede sant operasyon tanporè yo; ekip koupe ak jete pou ede netwayaj; yon jeneratè 500kw pou sant tanporè lannuit Andy Murphy nan Kingston; ak 180 kabann ak dlo pou abri tanporè yo. DHSES ap kowòdone tou transpò resous abri tanporè Lakwa Wouj sa gen ladan anviwon 75 kabann, ansanm ak dlo ak manje pou rezidan abri yo.

Nan vandredi apremidi, gen anviwon 58,000 pàn kouran nan eta a, kote Konte Ulster genyen pi gwo pati pàn yo pou anviwon 48,000 kliyan. Central Hudson endike ke pifò retablisman pou kliyan li yo ap fini dimanch swa kote retablisman nan zòn ki pi frape yo ka rive jiska lendi maten. NYSEG ta dwe fini retablisman pou sila yo ke sitiyasyon yè swa a te afekte. Lòt konpayi sèvis piblik yo te swa retabli pàn kliyan yo oswa ap travay pou retabli yo pandan pàn kouran rive yon lè konsa.

Eta New York pral kontinye kowòdone repons Eta a pou tanpèt ivènal grav la ki te devèse plis pase yon pye nèj nan plizyè lokal soti Buffalo pase Plattsburgh rive Albany epi te pote yon melanj glas ak nèj fonn ki danjere nan zòn nan Kapital la ak rejyon Mid-Hudson yo.

Senatè Michelle Hinchey te deklare, "Mwen vle remèsyé Gouvènè Hochul, Komisè Bray, ekip li yo ak kòlèg mwen yo nan Konte Ulster pou travay an ekip ki te fèt pou reponn ak evènman ivènal san parèy sa. Mwen vle tou remèsyé espesyalman pèsonèl ijans nou an ak sekouris nou yo k ap travay san pran souf pou netwaye wout yo, repare fil yo ak kenbe popilasyon an san danje. Resous ak sipò k ap deplwaye nan Konte nou an nesesè anpil epi mwen angaje pou m travay avèk tout patnè yo pandan n ap kontinye trase wout nou atravè enpak tanpèt sa a. Mwen ankouraje rezidan yo pou itilize resous ak sant tanporè ki etabli yo nan konte a si nesesè epi pou voye je sou vwazen yo".

Manm Asanble Kevin Cahill te deklare, "Kòm youn nan tanpèt glas ivènal ki pi paralizan depi plizyè ane te desann nan Hudson Valley, Gouvènè Kathy Hochul ak ekip repons ijans li an te sou plas pou ofri direksyon ak asistans bay gouvènman lokal nou yo pandan yo tout te travay ak dilijans pou rann kominate ak rezidan nou yo an san danje, cho ak pwoteje. Nan apèn kèk mwa, se sa nou espere de Administrasyon Hochul la. Nan non rezidan rekonesan nan rejyon nou an, mèsi".

Chèf Egzekitif Konte Ulster a, Patrick Ryan te deklare, "Mwen ta renmen remèsyé Gouvènè Hochul ak tout ekip li a pou repons rapid yo ak sipò enpòtan yo pandan n ap

reponn ak youn nan tanpèt ivènal ki pi grav ak gwo enpak Konte Ulster te sibi nan omwen yon deseni. Nan travay ansanm nan tout nivo gouvènman an, nou te kapab etabli byen vit plizyè sant tanporè atravè konte a ak ogmante resous pou netwaye fil kouran ak pyebwa ki tonbe yo. Nou pral kontinye travay san poz pou kenbe rezidan nou yo an sekirite ak pèmèt konte nou an re-ouvri osi vit posib".

Majistra Kingston, Steve Noble, te deklare, "Kingston te resevwa pi gwo frap tanpèt ivènal sa men nan travay ansanm avèk ekip nan Eta, Konte ak Kingston nou an, n ap travay pou nou kenbe tout moun an sekirite ak cho aswè a ak pandan wikenn lan. Angajman Gouvènè Hochul anvè Konte ak Vil nou an te solid pandan Evènman Meteyo Ivènal sa epi mwen konnen ke ansanm nou pral rekipere anba evènman sa a".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)